

Uunga siunnersuut: Ilageeqarneq pillugu Inatsisartut inatsisaata allanngortinneqarnera pillugu Inatsisartut inatsisaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Akissuteqaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Aappassaaneerinnineq

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap sulineranut isumaliutissiissuteqarneranullu Naalakkersuisut sinnerlugit qujassuteqarpunga.

Palasinik, provstinik domprovstimillu atorfinitsitsinissamut soraarsitsinissamullu piginnaatitsinerup inatsisitigut Naalakkersuisuniiginnarnissaa ataatsimiititaliap pingaartillugu oqaatigigaa Naalakkersuisut maluginiarpaat, Naalakkersuisulli biskoppimik tamatuminnga suliassiissuteqarsinnaanerannik periarfissaqassaaq. Tamanna pillugu Naalakkersuisut allannguutissamik siunnersuuteqarnissaat Ataatsimiititaliami amerlanerussuteqartut piumasarigaat aamma Naalakkersuisut maluginiarpaat.

Ataatsimiititaliap oqaaseqaatai Naalakkersuisut tusaatissatut tiguaat, ataatsimiititaliallu inassuteqarnera malillugu allannguutissatut siunnersuut saqqummiullugu.

Siunnersuut taamatut isikkoqarluni pingajussaaneerinninnermi akuerineqarnissaa siunertaralugu Naalakkersuisut naatsumik oqaaseqarlutik inassuteqaateqarput.